



0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司
No. 6230
基字02260122号



161170





石溪書院卷十二

明安書院



門人
北地
武項康

金郊

李

話丁卯

治微

紀止

存

...



石淙詩鈔卷十二

明安寧楊一清應寧著

門人 北地李夢陽

武功康海

編輯



金舜舉自南秋卿召掌都察院事過鎮江別予夜

話丁卯莊次日餞之金山共得詩三首通錄為贈

聖皇求治徵賢急左憲承宣上帝都人物權衡今有託

朝廷綱紀正須扶平生所學元儒者得志有為真丈夫

入觀從容問更化願言持久是良圖夢陽曰世事以不持久者敗多矣

一燈清酌夜沈沈話盡衷腸轉不禁異姓交親吾與子

斯文道誼古猶今
荒城細雨秋增爽
老圃幽香晚更深
此去定知成永別
祇從雲海望鴻音

贈處臨歧意若何
相過那更又離歌
夔臯事業方深望

軒顧才名未足多
直遣關山嚴虎豹
還看江海靜風波

老來世事慵開口
也向康衢頌太和
夢陽曰今人對古
人自奇亦詩之史

結句豈果
於忘世者

喬希大自留都司馬召拜天官卿中外士夫以此

地屬望久矣而今始如願聞者稱快北上戒程過

鎮江別余喜慰之餘感舊惜別得詩五首情見乎

辭

君年十五謁門牆我亦年纔二一紀強歷盡悲歡俱白首

別來風雨又重陽廟堂公望今方慰道德初心故未忘

折取黃花贈君去要從晚節挹餘香

夢陽日因重陽生出結句又實又遠

又切

天部從容四紀餘直從郎署到尙書君看魚水交歡日

正及雲龍慶會初已向盤根誇利刃還從熟路信輕車

持盈亦是吾人事珍重成功寵利居

銓衡位重古天官風采凝然屬衆觀謾向甘辛諧世味

須憑砥柱障狂瀾山濤啟事才兼錄毛玠柴車化豈難

却憶往時真忝竊至今懷愧未能安

通家兩世託交親
荏苒流年四十春
道誼相規猶近古
肝腸可託更何人
秋深落木青山盡
露下寒江白鴈新
從此定知踪跡遠
不禁離思欲傷神

衝風衝雨渡長江
每爲懷人到石淙
京國舊遊能有幾
尙書高誼故無雙
病來對酒心先醉
老去揮毫興未降

暫得相過還永別
離歌欲賦不成腔

夢陽曰五篇廟堂之詩送吏部尙書

更稱

希大謁先塋祭奠志感一首蓋自希大遷官南來

謁奠已三度矣

十載荒邱幾度行
生芻長繫故人情
如何風雨經旬後

剛值溪山一日晴
往事悠悠談不盡
長途渺渺恨難平
祇應恩義深如許
說著相違夢已驚
夢陽曰詩本情語
況道其實安得不
佳

金山和白巖太保韻

龍宮高處擁禪林
高磴梯雲望轉深
醉向登山懷往古
老隨擊壤慶當今
風波飽歷初停櫂
故舊相逢一解襟
更欲烟霞深處隱
野雲孤鶴費招尋

臨別用前韻志感

門牆多士紛如林
道誼如君晚更深
欲挽頽風歸太始
亦知名教重於今
相過懼返來時棹
惜別愁分醉後襟

石澗詩錄 卷十一
若遣佳音託南鴈
荻花秋水聽追尋

東許伯誠身史

承示佳什調高意新
把翫不能釋手
領教多矣
不能盡和
聊用九日五言律嚴韻
二首以代折
簡爲賞菊之約
不吝指疵
幸幸

歸來無一事
花竹伴吟身
落日清秋暮
衰顏紫菊新
病
憐高興減老
愛舊書親
猶有忘言趣
停杯望可人

菊花過重九
佳色正交并
采采憑軒看
栖栖信步行
朋
遊自來往
雲意乍陰晴
待得詩仙賞
孤芳合避名

盛唐人

口中語

夢陽曰此

許伯誠豸史立冬前一日過小園賞花有送秋詩

次韻荅之

蓬門今日曉親開
三徑幽香手再培
彭澤風情慚我拙
玉堂人物羨君才
品題花色存詩案
斷送秋光入酒杯
是日秋盡莫道歲寒無翫賞
遶園梅竹舊曾栽
夢陽曰更於賞花有趣

陸丞相祠用許豸史韻

大忠早秩匡山祀
明水新嚴故里祠
遺恨直從南渡日
壯懷空憶中興時
長江巨海英靈在
落日顛風義士悲
直待我皇方雪恥
腥膻一洗到今茲

志作貔貅氣作城
指天不作負恩生
中原狗國無馭土
壘

瀕海勤王有義兵手挽龍髯空報恨令傳虎旅竟吞聲
新祠故園瞻依地不盡懷忠弔古情

夢陽曰悲壯之氣讀之髮豎

陳惟濟太常過了卯山莊因憶已卯年相贈舊韻

識別一首

古橋莊舍此重經又見西風木葉零已識天心無改易
故知宗廟有神靈封章早屬中朝望志節終畱汗簡青
堪笑百年塵夢裏幾人情事解醒醒

徐少參過了卯莊有詩次韻贈之

朝省元無一刺通却煩車從訪山翁吾歸正坐衰年病
君出方當聖治隆此日從龍占利見當年相馬覺羣空

陰晴莫問君平卜造物於人本至公

林下音書久未通相逢猶喜未成翁
瑣闥獻納封章在藩省旬宣位望隆
兩岸青山江月曉千章落木海天空
石淙穩坐君休怪廊廟經綸有鉅公

夢陽曰二篇更渾成天然之句對偶

工復

徐灣山莊卽事二首

衆山回合路紆徐傍險探幽興有餘
井滙龍湫深透海泉分竹筧下通廚
醉疑白石眠仙似目送浮雲過碧虛
消得清齋兼習靜王維休羨輞川居

孤村細路轉逶迤躡蹬攀蘿自賞奇
直向水窮山盡處

更逢雲散雨晴時野僧待客炊先熟沙鳥忘機狎不疑
老去尋幽聊自樂挂冠猶恨得歸遲

次吳獻臣亞卿遊金山韻

聞君此登眺剛得片時畱天遠樓臺迴江空日月浮烟
霞雙短屐風雨一虛舟萬古波心柱天教障逝流

再用韻寄獻臣亞卿

不是春明別章臺莫漫畱臣心思袞補吾道豈桴浮潮
落平沙月烟橫古渡舟風波向來惡今日已安流

唐彖史虞佐擢任陝西副使督學政過子丁卯山
莊話舊久之陝西子舊蒞地不能不爲一方之士

喜之漫賦三詩錄以爲贈

南巡久羨臺綱振西去期增正學光
合遣冰霜迴雨露
卽看鷹隼化鸞皇巖巖太華孤撐壯
浩浩三川砥柱防
却憶白沙曾相馬未將風骨溷驪黃

正學於今未陸沈關西豪俊正如林
驚逢舊路行春客
苦憶當年種樹心白壁連城須善賈
朱絃清廟有遺音
橫渠派遠分河洛活水源頭與細尋

物望於今故未輕關中文柄賴持衡
以今較昔難專美
絕後光前定此行渭北風烟隨地遠
終南花柳入春榮

合將朱呂金華派去向西人共結盟

夢陽曰三篇
平正之作

崆峒圖爲錢卷庵壽

崑崙東來萬餘里孕爲崆峒矗天起桃花萬點映清溪
翠屏丹厓粲如綺固知開鑿自鴻濛誰其樓之廣成子
饑餐玉臺霞渴飲銀潢水千二百歲何足論直與天地
相終始昔者軒轅來問道百十數言存至理忽騎元鶴
遡空旻玩弄日月驅風雲歸來還向舊山住世人可望
不可親猗歟神仙之說知有無良工漫寫崆峒圖作圖
賦詩爲誰壽卷翁有道神仙徒生平曾次澹秋水傲睨
斯世如泥塗鼎中龍虎自看守若計年歲直待滄海揚
塵山石枯我遊崆峒陟仙臺決背寥廓心顏開仙踪渺

茫不可覓但見玄鶴兩兩旋繞肩輿來我欲招之跨汝
遊八極國恩未報神仙於我何有哉
予在陝西遊崆峒山見兩玄鶴旋繞
輿稅駕江南已遲暮遙望仙山隔烟霧煩翁示我南華
前篇共向桑榆保貞素

雁塔題名歌爲許豸史伯誠賦

關西才俊多如雨奮奇挺靈先後起正德八禩癸酉秋
文場紛紛集多士廣寒宮中桂滿叢攀來六十五枝風
爭看舊紵拋衫白亦有亂花迎馬紅長安城南慈恩寺
塔下題名唐故事休云省試異南宮總是才賢彙征地
是時督學朱升之破例招延共舉后漫論雁塔題名好

不恨青雲得路遲九月九日氣始肅師生禮飲多忠告
翻笑唐郊得意時馬蹄跨遍江之曲三年一度杏花春
都城解避新郎君後生指點題名處他日朱書應幾人
雁塔題名他日有許君高才衆所羨明經首捷春秋薦
至將相者朱書之卽隨春色上瀛洲又見霜風生鐵面二泉大書識題名
誰其圖之文徵明作圖賦詩豈無意不以宦達忘平生
我生亦是看花侶豪傑西州舊知與東塗西抹老茫然
一爲作歌歌盛舉夢陽日長篇情事鋪敘非不工然格調近時
許豸史伯誠奉命刷卷南畿駐節鎮江久之精明
振厲無度奸隱匿事畢將還朝過余別謂不可無

述因命童子書數字韻賦以贈之四首

繡衣霜簡坐行衙
卷牘如山聽搔爬
老吏不能容一僞
先聲真已懾羣邪
猶懷下榻從傾蓋
翻愧投瓊却報瓜
他日南巡應問我
水雲深處泊仙槎

舊事新題取次論
老遲知己怕離羣
西樓望眼虛明月
南浦歸心逐暮雲
正學自探張子厚
先憂誰擬范希文
丈夫無限當爲事
大節看畱汗簡勲

夢陽曰活潑潑地

坐看明月上虛窗
應爲多情倒玉缸
早有英聲先列郡
尙畱詩思繞澄江
才高敢謂千人敵
官重寧論九鼎扛
老病向來疎筆硯
離歌欲賦不成腔

彌教從來是法官以儒飾吏世應難
直看大筆追燕許何止英風奪范桓
燕子春泥沾落絮桃花新水漾微瀾
行行怪得都人避生怕風霜起筆端

伯誠會閒話及老親在堂悵然有感用所示詩韻
一首

怪底仙郎宦況微北堂顏采隔光輝
春前寸草關情切馬首孤雲入夢飛
報國肯教虛黑髮好賢還復誦緇衣
浮雲世事何須問忠孝平生願莫違

諸客飲待隱園假山次韻

江湖容我一綸竿又閱冰霜幾歲寒
老去尙誇詩力健

情多不放酒盃乾衣冠自擁青雲座鋒穎誰爭白戰壇
山下兒童休拍手醉中天地本來寬

滕郡守約遊金山酒闌放舟至石排山俗呼郭璞
墓山石排列險峭奇古賦三絕句紀興

酒酣同上石排山怪石參差夕照間人道茲遊信奇絕
從今應不厭躋攀

巉峰峭壁排如畫好是神工斲削成太守好清兼好古
直從江底汲中泠

石排山頭多古刻水嚙苔侵不可尋不用臨風吹鐵笛
中流如聽老龍吟

江南久旱素翁至一雨將沾足志喜一絕句

冬雪已慳春不雨麥苗短短半枯蓂甘霖一注今三日

可是商巖帶得來夢陽曰體面氣象調笑贊頌四句盡之

送素翁被徵命入朝

大老歸朝屬眾觀太平魚水正交歡人間走卒知司馬

天下蒼生仰謝安遇主不辭行道晚許身休論濟時難

唐虞事業經綸了還向滄江理釣竿

夏于中員外以言得罪除名新皇賜還復舊官過

鎮江謁予出邵二泉詩次韻贈之

世事茫然一岸巾起句何等氣象寫詩重贈素心人相逢却醒

三生夢頗幸猶存七尺身今向古求君不愧人從天定

語還真

往年送于中有故人相見翻疑夢亦知人定天終勝之句

請看陽道方亨日

蔀屋朱門各自春

夢陽曰物各付物便止如此

茅山雜詩

四月朔將往茅峰午後出城熱甚是夜雨作衆

意欣然或曰如泥淖何明晨天日晴霽道無纖

塵口占一律

好懷無限此間行造物于人似有情正苦亢陽俄作雨
剛愁泥淖忽開晴青連野色春猶麗白盡浮雲氣轉清
莫道病夫高興減箇中風月許誰爭

句曲道中

穩坐肩輿百里強恍疑身在水雲鄉詩懷直與春爭麗
野興還憑酒作狂竹影墮空岡鳳下麥苗蔽野隴雲黃
不須更問丹邱事塵慮于今已盡忘

素翁先生過予丁卯山莊初不及知比聞趣舟赴
之則已還矣小詩奉謝爲請教之端

病起篷窗眼倦開兒童驚報故人來雲隨野鶴書先到
路隔仙塵棹早回末路重逢天假便往時深坐僕生猜
鳳皇覽德今千仞容我烟蓑作釣臺

再用前韻柬素翁

習嬾便閒戶晏開忽傳好語自東來頻梳白髮年驚換
剛別青山草屢回老去雲龍還共逐春來燕雀莫深猜
亦知仕止皆名教謾說雲臺與釣臺

老朽誤蒙勅使存問有念舊尊賢之諭志感一首

老歸林下已華顛又見新皇御極年特勅遠頒勞問舊
誤恩非分愧尊賢心如野藿忠猶在身是疲駑力不前
淺薄未能歌帝德祇隨擊壤頌堯天

夢陽曰自
任自道

素翁將行偶過予家夜宿聯句次韻

今雨何來夜過門逢時無補愧養煢素絲節苦丹心在
白雪歌寒鐵硯存古道百年君與我書香三世子還孫

深情祇在茆簷外坐久真看釣石温温釣石前人未之道

猶記雞壇歃血盟長宵短燭坐頻更豈因憂國偏成老

可是緣詩太瘦生霖雨正深天下望雲山還繫別來情

白頭事業須珍重世事於人忌近名

張石安有作隨口荅之

選勝尋幽性所安衝風衝雨不知寒淵明故有忘言趣

好事紛紛莫謾干

杖履隨遊定幾年棋壇詩社幾延緣浴沂到處皆真樂

何必華陽去覓仙

登山偶述

水繞東西澗峰環上下宮天低疑斗墜地僻怪山童山無

草懷古心逾壯探奇興未窮茲緣良不薄頗恨石尤風

連日東風大作

大風次殷石溪韻

蜚廉逐塵駕彌望失朝昏却恐周禾偃還驚宋鷁奔捲

茆憐杜甫叱馭愧王尊山行屢逢險誰送新詩到春雲五色

屯

席上次殷石溪韻

佳期不爽興還奇頗恨尋幽已後時石溪金陵人相去咫尺今方到此

目送孤雲歸遠岫手磨蒼蘚認殘碑酒中慣得山泉喜

花底長教野鹿隨復恐黃塵遮几席綠陰深處坐頻移
茅山巧石洞用殷文濟前韻

可是神工為設奇畱題猶記十年時精魂漫憶三生話
黃絹宜書八字碑擬著宮袍參石丈自移茶竈學天隨
贊皇過此休令見恐向平泉宅裏移

正德戊辰予在三峰與四明范原博手談有茲山
古洞天斯人今國手長句一章詞林士夫多和之
後十一年戊寅再與原博會弈於此詩云洞天還
舊跡國手又重來今閱三年重登三峰原博復偕
行老病不能和前長詩賦短句識之

洞天逢國手又是第三回泉喜遊人醉山有喜山迎幸

相來陶真白隱此山一杯聊適意萬事莫深猜日夕巖

姿好憑高首重迴

送戴絲材司副使還朝

纔看銜命自天來四牡駢駢又北回桑梓舊家依鐵甕
驍驍高價重金臺賢勞亦是平生願文采爭誇逸衆才
未得畱歡翻惜別一尊臨發更徘徊

潘南山孔修先生自上虞命舟來訪余畱數日歸
去此風不見于天下久矣先生高致當于古人求
之話間輒賦詩相投予亦次第和之

兩翁一笑驚相見舊識南山是鉅儒老去望高天下士
平生讀盡世間書封章早已收彤管顏采還應入畫圖
同向青山揮白首醉來吾亦誚吾迂

文明泰運自天開和氣光騰出地雷鶴使銜恩溫詔下
鵲聲將喜故人來知君夙抱匡時畧老我原非濟世才
高臥滄江心事足朝堂歌詠自康哉

一別居然二紀餘莫年深造定何如敢爲臣子難爲事
曾著前賢未著書命駕肯辭千里遠交神誰道故人疎
相逢不作三秋歎喜有微言爲起予

承南山白浦二公過予小園聯句一首依韻奉答

回思七十年前事多在波波泯泯間
吾道千鈞難任重
斯文一管漫窺斑
風情不爲頭顱改
出處還於氣運關
春盡林花猶照眼
坐深溪雨共清顏
源頭活水心能會
竹底繁枝手自刪
鎮日酒逋詩卷裏
老來翻笑未能閒
南山之來余約畱
過夏南山偶發歸興
不覺成句
余亦興口荅之

南山指日定東歸
過夏初期客恐違
潘只恐欲歸歸未
得白駒吟罷復緇衣
楊

南山翁常誦所作月下獨酌詩
余深賞明月照人
白髮新之句翁疑取之太狹
嫌於先世滿城風雨

近重陽祇以一句爲人所傳誦余謂不可以辭害
意和韻贈之

行藏隨分意全真天地能容把釣身小艇一尊延客久
暮年千慮與時新心無俯仰方爲樂家有雲山不算貧
到處畱題總傳誦漫誇邛老是詩人

遊焦山次南山韻

老翁性本愛邱山已破浮生夢覺關坐引清風來竹塢
望迷春色滿桃彎百年湖海虛舟在萬里雲霄倦翼還
且向綠陰深處醉千金難博此身閒

題扇面二老圖贈南山

神交心醉一生餘
激懦高風我不如
二老白頭驚會面
手摩蒼壁待公書

焦山佳處亭次石上舊詩韻

浪打雲霾此石存
梵宮燈火共晨昏
江山吳楚真疑坼
風雨蛟龍不受吞
望遠欲招東海鶴
閒居聊慰北山猿
祇應佳處神能護
蝕盡蒼苔尙露根

丁卯山莊東南山先生一首
弘治初年先生常上
疏請復通喪乃百年所無之正論也
晚年深居累薦未起大肆力於羣經補遺訂誤有功吾道良多
此二事先生大節故詩中及之若政事之優學識

石湖詩錄 卷十一
之富制作之工皆其餘事不暇論也

平生海內無真識初見南山眼便青萬古綱常歸一疏
半生辛苦在羣經舟從綠野開時過調向朱絃絕後聽
擬逐雷龍相上下共將心事付蒼冥

題許由棄瓢扇面贈南山

至人於物本忘情却恐箕山亦近名願借當年洗耳水
盡從斯世濯塵纓

舟中別南山

風雨孤舟話乾坤萬古情此心還赤子吾道負蒼生未
別先愁別迹名更得名不知從此後肝膽向誰傾

常山王太守寄所作詩稿並惠蘭陵新醞附謝一首

刺史功成獻績時
棠陰滿地日遲遲
早知素學堪從政
却喜高情不廢詩
冉冉風塵看獨立
泠泠曉霽聽孤吹
如蘭未雨心先醉
更向醇醪一解頤

遊宜興二洞詩

張公洞四首

肩輿磊塊度岩嵒
古洞門深草樹交
霹靂世傳龍舊攫
清泠今訝虎新跑
擬尋丹竈雲千疊
欲叩金函路幾坳
喜共道陵孫子至
一枰聊向石臺敲

翠微深處紫烟濃
蒼壁丹岩故故重
鬼斧何年鑿混沌
神鞭萬里驅蛟龍
春塵墮石水自洗
夜虎窺門雲爲封
東道不逢吾自樂
羽人山茗尙能供

丹花簸簸墮芳芬
落日陰風乍吐吞
傍響曲隨雲磴下
探竒深向雪窩捫
參差乍訝開仙掌
恍忽還驚阻劔門
暗水成溪深幾許
石房青瑟自朝昏

江山勝處竒偏積
縱橫怪石如人立
丹青照眼畫不成
虎豹當關勢難入
啾啾石燕舞相捎
灼灼紫芝香外襲
桃花溪遠望無際
白羽竇深步還澁
興闌日黑趣歸去
回首蒼石高岌岌

善卷洞

往代遺踪此善卷陰陽融結幾多年鳳巢遠映曠曠日
龍洞深流汨汨泉劫火不燒神護守危峰突出鬼鑿鑿
爲霖亦是仙家事解濟人間萬頃田

飛崖盡處露空嵌造物何年爲啟緘明月下窺仙子窟
白雲深護隱君巖筍垂玉柱靈根悶壁幻丹邱怪石鑿
歲歲來遊吾不厭路間荆棘倩僧芟

一竇通明設象多兩泉深注繞波陀乘流實怕迷舟路
看局虛疑爛斧柯龍叟帶雲歸絕澗鶴仙隨月下平莎
幽人只隔烟蘿外可聽移家結社麼

湖汊扁舟迤邐尋使君多興與登臨巖心罅滴雲根潤
地底中空水洞深寶劍流光看欲躍白龍吹浪晚成陰
梵宮香火聊相託舊隱高風自古今

七月二十五日紀異

嘉靖之元壬午歲維月建申日巳巳蜚廉怒號東北來
急雨猛厲隨風至初疑蛟龍吼巨壑復訝雷霆鬪平地
長空轟逐坤軸動恍惚神靈驅百魅浪花千疊大于山
震走天吳奔鬣肩江翻見底石露根屋廬在田魚入市
大木千尋如拔毛萬瓦飄揚飛蝶翅南艘北艦一時仆
未論千金輕委棄漂屍積齒塞川澗過者不敢張目視

夜半潮頭高數丈，遠近呼躁聲騰沸。江南老岸猶自可，
哀此沙鄉禍尤熾。死者滅沒隨洪濤，生者扳援繫高翠。
廩無遺粟竈無烟，村雞不鳴犬不吠。我時扶病坐復興，
達旦彷徨不能寐。耳目所及已如此，比邑殘傷將類是。
杞人過憂翻自嗤，夸父狂逐終徒斃。新皇御極海宇清，
顧遣和氣成災沴。洪範庶徵須省念，此變無乃臣工致。
人可勝天理則然，爲代民謠聊紀異。

和馬豸史君卿立秋日丹陽行臺韻

雨霽暑畱溽，葉飛山報秋。捲帷涼暗度，近水興增幽。封
事餘丹悃，勳名正黑頭。萬方樂嘉靖，不作杞人愁。

石梁詩錄卷十一
送秋吟未幾那更賦迎秋白髮差差盡閒居事事幽雲
翹懷舞袖楸葉學簪頭却恐西風急翻增破屋愁

和馬彘史韻二首

歸來常以醉爲鄉鎮日蓬頭懶下堂夜雨聲微焦葉盡
秋風日至稻花香避喧早得忘言趣畱韻翻慚彼美莊
興味方深君又別雲霄回首路歧長

江城雨過淨纖埃憑仗飛花送酒杯老去寸心還自保
病餘雙眼爲君開山陰與盡王猷返谷口詩成杜甫來
却愧木桃翻報玉亦知下里是凡才

賦詩余得天字二首

霽曉清秋萬里天一尊長日此盤旋
烟霞深處迷樵逕
蘆荻陰中畱釣船
劇飲平分沙鳥席
豪吟下澈江龍淵
謝公漫有登臨興
賓主東南未乏賢

秋深白露水連天
勝賞兼勞太守賢
旋釣活魚共野賞
戲歌村曲扣船舷
狂來自采巖花食
醉後思分犢草眠
赤壁風光須讓此
莫因蘇賦羨當年

思和惠吉堂前有芙蓉二株余與諸客月夜賞之

賦此起興

晚筵花下坐忘還
皓彩芳姿照醉顏
好是嫦娥憐寂寞
故分秋色到人間

石湖詩集卷十二

月夜賞芙蓉醉中餘興得此是夜月比昨宵最爲
微雲點綴而花色增媚亦奇觀也

濯濯仙姿獨擅芳天公畱爾殿秋光花中君子羞同調
江上西施故淡粧最好看時雲澹白更宜吟處月昏黃
任他霜後增顏色莫謾將名喚拒霜

月夜兩度賞芙蓉花尙多含蕊未發次晨童子走
報花發爛然盈樹間諸客喜甚復取酒共酌余又
戲成一絕

堂下芙蓉一夜開花神應是怕詩催詩翁無限看花興
分付花神著意裁

思和新卜吉壤爲南山翁歸息之地予造而嘉之
爲賦此

新卜佳城旋築臺四山迴合一谿開松楸鬱鬱將成拱
問是仙郎手種來

遊沈山

步入蒼苔印屐痕禪房餘興坐斜曛地形近接金牛去
山色遙從鐵甕分雁尾一灣依密樹芙蓉數點切層雲
省郎欲弔無尋處老衲沈檀取次焚

重遊紫府觀

瑤壇紫府潤城東名在乾坤福地中青鳥不歸空夜月

碧桃初綻又春風
巖祠有像思神禹
丹井無烟恨葛洪
漫說兩龍虛洞跡
可將一滴助年豐

尋幽曾記四年前
欲結雲松未有緣
老去溪山猶作崇
秋來花鳥尙爭妍
亦知興盡須回棹
自信身閒已是仙
不用登高發長嘯
詩狂或可動台躔

前歲聞有以素翁及余姓名同薦者
且謂翁爲宋璟
余爲姚崇
近始見其全文
夫崇古稱救時宰相
豈易得哉
聞而愧之
漫賦一首寄素翁

烟霞深處兩山翁
並入廷臣薦剡中
君節固知如宋璟
吾才何敢望姚崇
久妨賢路心應苦
欲濟時艱道本同

麟鳳祇今歸網盡莫將蹤跡羨冥鴻

贈巡撫李司空士修

省臺官望兩巍巍數載馳驅宦蹟多
劉晏才華終裕國平當經義解行河
聖心簡在非徒爾民力東南奈竭何
多少焦枯須潤澤及時甘雨要滂沱

平生心事足先憂辛苦經營雪上頭
直遣一勞還永佚終教怨去祇恩留
江湖萍梗交能幾風雨鶯花興未酬
欲得旌麾畱數月向來沈痼待公瘳

重封雙壽爲李黃門主政父母作

名門佳氣鬱葱葱咫尺烟霞是岱宗
百歲親庭看二老

石湖詩集卷之十
三十一
一時恩誥荷重封瑣闥郎署名兼著椿樹萱花色並濃
見說宮袍勝綵服白頭如此幾遭逢

陸羽烹茶圖爲范原博賦

吾聞大羅天上茶有星日汲銀潢萬斛漱清泠玉皇應
憐世溷濁暫遣下謫爲人形江頭小兒啼嚶嚶誰其得
之僧竟陵長大如鴻漸于陸平生所著惟茶經香色味
種各差別水品火候一一探其精遂令世人嗜茶不嗜
酒濁可使清醉可醒劉伶安用與婦祀盧仝不待七碗
通仙靈功成翩然返帝闕至今設象懸青冥吾生偃蹇
抱茶癖陽羨之山頻采摘研膏焙乳勤僕奴滌煩釋滯

功須策嫩人索賦煎茶圖便覺清風生兩腋知君有意
謝麴生從此睡足日高宵襟無拍塞

登曹山絕頂次殷文濟韻

五更風雨霎時晴垂老猶能傍險行萬里長江雙目迴
半空飛鳥一身輕溪流曲曲東連海山色差差北繞城
到此塵心消已盡向來寵辱不須驚

梧山圖爲宮保大司空李公賦

內江有仁里舊以梧桐名仰瞻梧岡峻俯瞰梧溪清
蔚然灌木中梧桐獨亭亭四旁無附麗玉立凌高冥
嫩人屋其間相對如友生月上靜前觀風來和書聲
綠陰散

繁暑蔭我軒前楹物色未足論孤標壓羣英君看最高
枝上有鳳凰鳴一鳴振周郊再飛儀舜廷帝曰此何祥
朝陽絢光晶風塵爲之息泰階爲之平緬懷故山梧遙
隔千里程作圖者誰子悠然會我情

苦旱行

六月三日

熯氣漫空金伏初火雲萬疊隨陽烏雷鞭不鳴電幟捲
雨脚欲墜看仍無遂令大塊一洪鑪煮石欲爛樹欲枯
崇堂密蔭如坐甑道上病暍何時蘇田疇裂坼禾半死
空聽水聲隨轆轤踏車未停水已竭巨沼剛存一池沲
手皴足腫面如土始信至苦惟農夫土龍芻狗竟虛幻

漫向舞雩勤匍匐誰爲韓子訟風伯欲效魯侯焚老巫
百涼衰翁病初起履不著脚髮不梳如惔如狂坐難定
大叫直欲排清都亦知亢旱本人召古有人旱今誰辜
江龍有神能作雨乘雲東去不受呼比郡盡是斯人徒
龍不一視柰爾庠銀潢之水固不涸願借天瓢三萬壺
濡焦植仆須與事且免餓孚填衢途不然吾將併訟汝
上天明明安可誣

孝思繫舟丁卯橋柳陰下予病不能往奉柬一首

六月五日也

赤日燒空水不流古橋深處柳陰稠驅除大暑君能事

石澗詩錄 卷十一
欲借清風數日畱

贈毛用成給事

兩京司諫屬時名曾有昌言補盛平直遣荆公屈明道
肯教韓子論陽城王程不盡淹畱興友道從探贈別情
却憶碧雞山下路一尊還爲故人傾

京江之會用成出林素翁所題扇相示予拙於書
不能書扇用韻識意並書此卷

良會那可數舊遊今不多鶴聲出蒼玉江色帶青螺眼
病書難續身閒客喜過酒闌與君別月彩散松蘿

六月七日天熱與用成小酌逸老園水竹居

暑氣林園薄聊爲避暑行炎蒸從此斷水竹有餘清揮
觴坐池月浩歌亦心傾魚鳥胡爲者悠然會我情

賦短句爲毛琢庵贈

玉韞渙之山純美神所秘良工琢之出再琢乃成器溫
溫有餘潤皎皎無纖累荆產未足多崑出差堪配誰與
薦之朝嘉賓勤帝制瑚璉用則宜豈屑珩與珮元精孕
堪輿造物豈輕畀謂白不可涅至寶時或忌輕執如不
克況此連城貴休哉慎自將其勿易而視

蘆岡爲丹陽張令尹作

蘆花深處迴重岡幽人結屋岡之陽杜門謝客不可見

石湖詩金卷十一

西

但聽孺子歌滄浪空江蕭蕭秋簌簌眠鷗浴鷺相馳逐
風來扣舷葉底歌月明載酒花間宿有時雲蹬試躋攀
露叢霜蕊凌高寒翩然健翮忽騰舉謝却鷗鷺追鵝鸞
玉皇香案畱不任剖符新宰花封去桃李陰陰春色濃
人道政成如敏樹誰把生綃貌作圖彷彿年來吾鑑湖
清風明月不用買蘆岡蘆岡何處無

楊柳枝詞有引

柳溪在潤城之中官河之滸潤之隱君子楊翁
立夫居而樂之因以為號溪水縈回柳陰茂密
清風徐來懷抱洒洒雖密邇闐闐如在林壑間

每火雲流金翁芒鞋野服憩其下暑氣頓失前
郡守林憲副廷元嘗爲書柳溪二大字翁之子
郡庠生琬奉以謁縉紳大夫士每爲詩以張之
夫官河之在潤城巨二里許沿溪植柳在在皆
然翁獨愛之且標以自號蓋塵居之人多逐末
幹蠱方寸憧憧日不暇給素翁敦禮好義年旣
老悉以家政付諸子侄翛然物外而托於柳溪
以自逸焉此古曠達士之風也琬樂親之樂欲
託之篇章以圖其不泯亦可謂能子也已予雅
重翁爲賦楊柳詞命童子歌之以觴翁而書此

石湖詩金
卷十一

以爲之引

東皇回律楊柳新千條萬條漏洩春爭似藏春塢邊柳
不惹纖毫陌上塵

江水入城滙作溪參差細柳沿長堤不爲行人管離別
終年長伴隱君栖

柔條嫋娜蘸漣漪正是微風入面時明月在天人語靜
此情惟許自家知

高枝低枝密藏鶯千縷萬縷覆地陰粧樓舞榭都遮斷
會得幽人避俗心

陶令宅邊纔五株稽康一樹浪渠渠市橋春色清如許

流水桃花總不如

半烟半雨鎖溪橋
水面風來鬪舞腰
莫歎清秋易蕭索
明年依舊長新條

老翁息交萬事慵
宅邊長愛柳陰濃
縱然不是手新植
他日韋郎須歛容

三月飛花點莫春
濛濛漠漠暗撩人
王翁莫怪顛狂甚
終傍孤根落水濱

畫橋烟雨弄輕柔
上有黃鸝下白鷗
丁卯橋頭陰更密
一般春色一般秋

白雲溪畔雨晴時
去看君家金縷絲
教兒莫唱章臺曲

拍手齊歌楊柳枝

倪雲林墨竹

聞說雲林素好奇楚雲入眼忽參差嗟予亦是賞奇者
曾聽楚人歌竹枝

寄送俞良佐都憲聞掌院之召喜而有作錄奉識
別亦少劾古人贈處之義耳

喜承廷薦起漁樵又見徵書下紫霄網紀地應歸懋簡
老成人合在中朝英風定遣羣僚肅逸志多從正色消
世味向來嘗已熟苦辛今日更須調

東邑甘棠有頌聲南台風采更時名爭誇法守兼經術

其羨書生富甲兵，鎮躁固宜持以靜。保真須戒宦之成，
未能相見還相遠。不盡貽書贈處情。

見秦林公九月十一日訪予石淙精舍看菊有詩

次韻答之

兩日黃花次第開，花神有意迓君來。南山佳氣浮書幌，
老圃幽香落釣臺。江海波寒舟早歇，雲霄翼倦鳥知回。
考亭正切鄉關路，遺緒年來尙未灰。

送素翁致政歸雲莊二首

兩年失脚下漁磯，入疏回天願不違。帝闕忍看賢者去，
雲莊爭賀主人歸。便辭鴛侶尋鶴侶，還著荷衣換錦衣。

石澗詩金 卷十一
仕止無心聊爾耳逢時非敢慕知幾

借劔專征舊有聲晚逢更化起秋卿力持公是言多采
直遣明廷法爲平仕路幾回驚逆浪人生難得是完名
老思故舊惟公在把酒臨歧各愴情

次京師公卿贈素翁韻二首

聖主新更化皇章舊率由君今違廟論誰爲答天休泉
石性成癖行藏道與謀臨滄亭上坐幽思滿芳洲
忽謾相逢處爲情重可憐別當寒菊後歸及早梅前力
荷千鈞鼎文成萬選錢相期保遲莫吾道日中天

次舟中畱別絕句三首

會時常少別時多無計能留可奈何頗怪行蹤太匆劇
扁舟回首隔烟波

浮生擾擾路歧多屈指交游今幾何兩地心情猶不隔
書來還欲借餘波

兩翁深語得詩多報玉其如木李何他夜懷君對明月
綠尊空自漾金波

再遊七峰漫興五首

縹緲庵居與世分客來無語坐斜曛主人心事清如水
不贈青松贈白雲

右白雲庵

白雲爲主月爲隣鎮日高眠石丈人畱取山中三益在

石澗詩鈔卷之十一
不知浮世有風塵

右臥巖

石路登登路轉難
熙春臺上正盤桓
與來再續雲天句

領取春光入肺肝

右熙春臺

層樓突兀枕高寒
歷盡奇嶺路幾盤
樓外青蒼攢列岫

闖然都入坐中看

右逸想樓

水氣蒼涼映閣虛
石闌干外柳風徐
莫嫌舉網渾無得

適與原來不在魚

右水雲舫

予訪孫思和宿新堂三度矣忽見楣間之扁曰青

霞不知何人所題笑而賦之

誰將賓館扁青霞
衣上春雲絢日華
燈火夜深人語靜

鳳笙徐引入仙家

臥聽笙簫隔紫霞起呼雲侶問南華山人見我常留宿
不說仙家說相家

夏少卿于中謫守茶陵道鎮江謁予遂庵賦二詩

誌別

議禮年來聚訟頻力持國是屬吾人聖皇不爲求循吏
遠郡安能屈近臣世上令名完有幾古來公論定方真
亦知州牧非遷客把酒臨歧莫愴情

自徐灣山莊歷鐵爐新庵二寺遂上曹山雜興其

得三首

山似環滁四面皆翠微深處彩幢排風高病葉紛辭樹
雨過殘苔半蝕堦載酒欲陪狂客醉題詩聊適老翁懷
西遊幾度今差勝物態人情晚更佳

暈磴穿雲彎更彎詩懷酒興未容慳仰攀蘿葛疑無路
下瞰晴江却有山掃盡巖花供野坐濯殘溪雨破塵顏
翻思車馬天涯道空在波波泯泯間

年來塵夢未全醒一見青山眼更青池上波紋迴淺澗
風前蘭芷散餘馨雲過絕壁山疑畫龍隱靈湫水帶腥
老去登臨渾不倦十年車轍幾回停

雪中用殷石溪韻

不遣紅塵半點，野人知瑞不知寒。垂垂花樹先春放，
潑潑天機滿意看。夢入西湖清未了，興深東閣飲初闌。
石溪漫有魚蓑句，不用推敲字字安。

殷石溪遷居用伍松月都憲韻二首

舊居忽更移新里，近市分明是遠林。屋外清風修竹淨，
池邊紅雨落花深。壯懷不作書空歎，野興聊爲抱膝吟。
白下諸山應咫尺，不妨多暇自幽尋。

君才何止擅詞章，冰蘖聲華舊有光。問字早呼楊子宅，
結廬今比鄭公鄉。柳風桐月隨時樂，詩卷棋枰伴日長。
如此年華容易度，鬢毛未許上秋霜。

石溪詩集卷一

贈陸伯機載

仙舟泊河渚聊得話襟期
綠酒飛觴日黃花未放時
還因楚客賦益重杞人悲
丁卯橋頭別雲

石溪將身金陸
雪中韻一首
別

每從京口憶長干
兩公為共歲寒病起有人傳
子到詩成折柬送吾看
交情不逐年華改
歸興剛逢雪意闌
貧有新居心自樂
陶潛容膝易為安

石淙詩鈔卷之十三

明安寧楊一清應寧著

門人 北地李夢陽
武功康海 全輯

嘉靖四年正月二十四日臣一清抱病林下不意
謬以廷臣論薦承恩命起督師西征自度衰病不
能負荷上疏辭免既而使耆齎勅將旗牌關防及
欵賞白金文綺俱至強起奉迎作詩志感

煌煌玉節引旌旄紫鳳銜書下碧霄心似老葵終抱赤
身如朽木恐難雕已無妙算紆邊計只合閒居伴野樵

懇疏定知回帝聽移文休待北山招

辭免不允温旨褒答有卿素以體國自許諒不在

趙充國馬援之下之論強起力疾趣裝再賦一首

西北風塵帝顧多老臣承詔出巖阿便宜欲上趙充國

矍鑠還非馬伏波十乘戎行新節鉞三邊精采舊關河

極知君命如山重感激渾忘兩鬢皤夢陽曰此篇雄渾天成子美見之當

監降旗也氣概又氣概不
必甲兵眼中無匈奴矣

巡撫吳都憲受詔敦迫上道設祖晏予席上有詩

次韻答之

部將門生半已翁衰齡還復起臨戎百年氣運時方泰

萬里雲霄日正中出入敢云均將相姓名深媿自兒童
相知莫謾勤推轂廊廟經綸有鉅公

夢陽曰亦是大作韻如自出

再疊前韻自述

少小承恩直到翁早持文墨晚兵戎四朝仁聖遭逢際
三鎮山川節制中遠視蒼茫驚目暗故知迎候訝頭童
甲兵數萬吾何有獨抱先憂似范公

黑髮動名半在邊晚登臺閣媿妨賢餘生又逐風雲會
垂老仍都將相權仙掌巖巖擎太華龍門混混控三川
人言熟路驅車易却恐駑駘力不前

唐鵬曰堂堂整整

先是陰雨浹旬啓行之日始晴風色尙猛比登舟

蘇詩集卷之三

風頓止江波鏡平喜賦二絕句

旌旗閃閃渡江干
遠近居人塞路看
共道君王急西顧
特教師保蒞戎壇

積雨顛風忽放晴
日華高射令旗明
江神解助天心順

約束魚龍不敢驚

夢陽曰神妙之算將驅役鬼神乎

過高郵由康濟河至界首驛東風徹夜作吼入寶

應湖風定波澄衆心胥悅偶賦一絕

渺渺三湖混太清
畫船簫鼓坐空明
東風也避王師路

萬頃波濤一霎平

途次有懷喬希大

尚書未老早還鄉病叟西征路正長閱世半爲忙境界
作官難得好收場悠悠汴洛通漳水渺渺關山隔太行
空把緘書傳候雁一尊何日話衷腸

因憶寄來詩韻奉次一首

身因抱病始懷鄉優詔許辭鷓鴣行謾說山濤畱啓事
早聞陸贄有封章時行時止都無繫憂國憂民兩未忘
四海瘡痍猶滿眼上醫誰與問奇方

予先年總制陝西謝病歸江南宿鄭州察院有詩
題壁問人蓋不知爲予作也比再起西征壁間詩
猶在今過求之壁新如泥飾詩不存矣默憶舊韻

賦得一首

仗鉞還從此地過故鄉南望幾關河風塵荏苒途應熟
 出入均勞歲已多旆擁織文先十乘劔揮白雪掃羣魔
 烟霞已負山靈約欲報君恩奈老何

唐鵬曰有餘情且有餘響

原詩無稿併錄之以紀一時之興云

浴罷西堂片雨過坐驚簷溜欲翻河綠槐虛院涼聲早
 翠竹疎簾爽氣多案牘已拋忙裏債茶瓜聊遣睡中魔
 龍宮不借天瓢水奈此黃塵赤日何

夢陽曰開口便是相業

三入關用舊韻

雲霄倦鳥早知還又趁剛風上九關舉手未能扶日轂

彎弓猶欲射天山
消磨歲月頻搔首
指點平生一汗顏
却憶江南山水窟
儘多名勝待躋攀

夢陽曰後四句似未稱

望西嶽

萬朶芙蓉鎖翠烟
紫巖千仞入層顛
扶桑弱水蒼茫外
積石龍門指顧前
獨望丹梯懷捧日
浪傳仙掌可擎天
斡旋造化須神力
早爲蒼生解倒懸

夢陽曰此詩前一聯是登後一聯是望

華州謁汾陽王祠
比歲公卿臺諫齒
及老朽姓名或以汾陽相擬
茲奉命節制諸軍於陝西
祇謁王祠下不覺自媿口占一詩

石梁詩錄 卷之三
一木能支大厦顛令公忠義可回天威行朔漠三千里
身繫安危二十年直以丹心扶日月長將赤手障風烟
向來薦剡虛相擬追想遺功獨赧然

謁寇萊公祠

半畝荒基數尺牆宋家賢相表新坊樓臺不用生前起
祠宇能延沒後香未拔一丁真負國縱爲孤注已尊王
後人不建親征策和義終成禍靖康

夢陽曰實取虛用
妙如點鐵唐鵬曰
五六亦
斷案

四月二十一日發陝城阻雨越二日乃行病目甚
苦風沙雨後浮塵盡洗時方憂旱衆情胥快口占

一詩志喜

一雨通宵便放晴紅塵消盡路岐平
卽看麥隴回枯槁可是天河洗甲兵
渭北輕烟浮遠樹終南佳色帶高城
平生亦是并州客白首重來漫有情

唐鵬曰自是變理語

和王巡撫韻

金戈鐵馬駐嚴城苦爲蒼生獨繫情
屋外顛風驚客夢車前甘雨慰農耕
病懷無那兼憂國民力難堪敢論兵
塞上喜逢同調客笑談樽俎句先成

夢陽曰結似弱唐鵬曰結亦有折

題扇寄彭幸菴

聞幸菴將遣其弟冲齋書來固原

江東遙望隴頭雲行盡關山不見君好是池塘春夢裏
惠連風月與平分

贈潘汝和方伯之山東

纔辭官馬又官船直遡滄溟萬里淵男子路頭牢著脚
泰山千仞豈無顛

六月賞蜀葵贈呂道夫憲長語意蓋爲道夫而發
也

抗炎朱夏未全癡自保丹心似老葵誰道看花非我事
也曾看向未開時

夢陽曰此等句
最風韻有味

官署賞葵雜詩

有引

予在吏部時兩廂葵花盛開觀而樂之有詩比
至家園四時皆有花可賞獨不及葵謂以多故
然實不多見也茲西征歷邊城自春徂夏未嘗
見花固原後堂有葵叢生初亦不知其美數日
後花始放久之益盛五色交錯輝映庭几爛然
錦繡之林也案牘戎馬之餘輒一造賞口占成
句家史記而錄之得十二章獨念江南賞花故
人無一在側爲可恨耳

初見花

家園有名花夙昔夢見之晨起步前除葵生鬱萋萋輕

風薦微馨朗日耀其輝居然避春光抗茲炎燭威金盃
溢零露玉笋紛素縑庇足豈不智蔓引將何為豈無桃
李顏緣多不入時君子貴有恆棄擲何足悲

夢陽曰此篇古調

醉西施

薰風輕颺輭紅孤零露微沾玉雪膚好是西施沉醉後
鬢鬢斜插倩人扶

夢陽曰太近裏則嫌於脂粉

一丈紅

紅葵高出羣花之上

旌分幢列自成叢突出堦前一丈紅莫是牡丹重換骨
要將殊色試秋風

夢陽曰好句

千藥丹

世人看花愛千葉我愛葉多心不多畱取傾陽方寸在
不然無奈此葵何

唐鵬曰公平
生只此心耳

小嬌紅

嫩白嬌紅淺更深玉人斜倚碧窗陰柔枝不受凡禽宿
蝶翅蜂鬚莫漫尋

采葵詞

采葵復采葵采葵餐其英佳蔬亦無數何必葵之烹惜
芳吾不忍把翫傷衷情雖能斷人采終恐風露寒勸君
采葵莫放手放手傷根葵不生

夢陽曰惜
之又惜

樂府

菩薩蠻

蘇詩少

七

繁華盡向春光了，暑中獨愛庭葵好。
傾心苦爲誰，老天應自知。
夜深清露滴，曉起金杯側。
忽扮道家粧，瑤池飛羽觴。

黃葵

丹鼎芽初茁，遊蜂釀始成。
紫陽冠製就，飛蓋入瑤京。

白葵

誰將一片玉，刻畫散天葩。
道人將換骨，故故點丹砂。

紫葵

博望乘槎去，攜將馬乳回。
仙翁鍊成質，製作紫霞杯。

紅白葵

宮粧艷相競霓舞紛駢羅芳姿不入賞人情輕所多夢陽

曰此篇調古句古
意古唐以上之作

晚葵

八月邊城暑氣消一庭佳色晚蕭蕭雖然不及松筠操
若比羣花也後凋

寄壽彭幸菴太保

名高一代詩書將身是中朝保傅臣閫外貌貅思駕馭
海中龍馬羨精神尊兼齒德三稱達老憶交游幾是真
料得壽筵酣飲日蟒衣輝映白頭新

書前詩畢口占數語併寄爲壽

金風蕭蕭掃餘熱，堦庭尙畱莫。兩葉玉宇澄，澈銀河清。
正是生申好時節，皋闌有林堪爲糧。黃河之水供壽觴，
滿堂賓客齊笑語。祝翁壽與河山長。

海山王都憲在陝城寄詩次韻荅之。海山近得報，
遷兵侍將還朝。予駐節固原，不得一會。併此餞別。
纔聽西來又北還，蒼生休戚正相關。勳名早已騰朝野，
靈秀元來孕海山。不遣皂囊停白筆，笑看青鏡尙朱顏。
邊州只隔長安路，東望軺車未可攀。

坐鎮邊庭，賴有人指麾。談笑筆如神，君看西府籌兵地。
盡是中臺執法臣，聊以寒溫通尺素。不隨旌節送征輪。

向來戎馬多彫敝調護煩公幹化鈞

三持節鉞鎮邊城指點平生一愴情報國無能空坐食
籲天有疏只歸耕古來邦政須圻父闕外邊籌仗本兵
願得太平戎馬息敢將民命博功成

開府行

旌旗晝拂烟塵開鉦鼓動地聲如雷路傍羣叟暗相語
不道我公今又來當年從公玉關道我是壯夫今已老
似聞軍令尙精明頗覺容顏半枯槁弓刀萬騎如雲屯
多是當年鞭策人部將生兒還拜將部卒亦復稱將軍
自公入朝佐天子功成身退誠善矣胡爲乎來復此行

遠涉沙場千萬里聖皇求舊温旨褒君臣之義安所逃
不然七十二衰叟豈在絕塞風塵勞黃河水深金城高
我士酣歌馬騰槽亦知保障乃良策忍使赤子塗脂膏
羽書飛騎捷於鳥獵獵西風捲沙草劔氣晴橫紫塞秋
角聲寒咽黃雲曉不用彎弓射虜營坐銷氛祲回光晶
將軍帳前但飲博士女自織農自耕直遣羯胡齊北渡
我車旋指江南路經過到處題姓名他日知吾來幾度

夢陽曰杜體唐鵬曰公紀律固如此

賀萬壽節後詣文廟行丁祭禮有述

環珮趨鏘肅漢儀邊城五夜漏聲遲請看玉振金聲地

正及鸞鳴獸舞時四海文明符泰運萬年吾道際昌期
不隨百辟歌天保聊效封人獻祝祠

夢陽曰
大作

中秋偶吟

玉露金波萬里思亦知天地本無私請看沙磧磧中月

還似石淙淙上時

昔年自陝西總制歸曾有詩云爲謝
石淙淙上月黃沙磧裏照吾曾今用

舊意病眼不禁深夜坐賞心已是隔年期老來伎倆無多

在報荅秋光但有詩

夢陽曰此篇
宛曲情勝

中秋值雨遂阻賞月之興悶賦一詩欲以明日爲

期不知天意肯從否

塞上喜秋晴陰雲特地生正當三五夕不放月華明人

正
蘇
詩
卷
一
一

望每多缺天心亦惡盈來朝氛翳盡皓彩發光晶

唐鵬曰情

景無限等閒便盡

十六夜月明如晝果副昨宵之願呼酒與客同賞

喜賦一章

璧彩金光望轉濃一尊多興與君同月華此夜殊清絕
天意於人自感通坐愛秋堂分淨影醉疑仙吹落高空
嫦娥故故飛明鏡偏照當年白髮翁

師召豸史持與幸翁太保西津聯句詩見示依韻

奉荅

西來有意逐雲龍忽得新詩興轉濃絕塞沙寒迷朔鴈

高城風細度昏鐘先憂後樂人千古戀闕懷鄉意萬重
明歲輶車過鄉邑荻花深處待過從

師石欲於九月朔日東巡予畱駐一日是夜風雨
大作雖欲不畱不可得也再疊前韻一首貽之

急雨顛風捲怒龍晚來驚見濕雲濃街頭汨汨添秋水
窗外瀟瀟亂曉鐘戀仰瞻天萬里鄉心回隔路千重
不須投轄君應在有約聯詩定肯從

九日無菊堦下葵花數株妍麗如昨酌酒賞之得
三絕句

邊城風日此重陽又負黃花一度黃堦下老葵如我意

尚畱佳色殿秋光

獵獵秋風掠樹枝
葵心一點似當時
芙蓉江上違清賞

畱爾當軒侑酒卮

烈日燒空色正榮
秋來霜露轉多清
炎涼翻覆何須問

猶喜葵花不世情
夢陽曰三籍托物
寓情良不徒作

與曹黃門干德藍豸史玉夫夜話間索詩因請以

二君姓為韻餘韻皆二君所出也

君才久已奪劉曹
巨筆如杠每自操
謾向邊儲誇腐朽

亦知民力盡錐刀
陽春不厭酬巴調
瓊玖翻慚報木桃

無限先憂心事在
早歸青瑣接夔臯
右贈曹干德

彩毫隨意掃雲藍更喜詞鋒百戰堪興未盡時休返棹
事難言處且清談長城經畧吾猶負九鼎勳名君自擔
若問南歸定何日杏花春雨是江南

右贈藍玉夫

九月二十四日諸將官破賊獻馘軍門予與巡撫

王都憲共舉犒賞之典用曹黃門所寄詩韻一首

偏師薄伐虜心寒露布朝騰遠近歡早向軍門傳將令
不教時輩笑儒酸西風落木山容淨白草黃沙鴈影單
更喜中丞新駐節滿城花鼓詫奇觀

夢陽曰此等句却不頭巾單字佳前

用人少

送巡按鄭豸史得代還朝

一從持節下鑿坡賊吏聞風解綬多道路共傳春有脚
英才兼藉禮爲羅青年軻發青雲路白首詩慚白雪歌
遙指秦關望歸騎無由縮地奈情何

讀書讀律兩收功全陝山川按部中直躡舟楫凌華嶽
笑將長劍倚崆峒入朝人避乘驄路出塞聲先攬轡風
纔得相逢又相別題詩相贈意無窮

十月六日發程巡邊前一日雪

滕六知師出先清塞上塵野田渾失路沙草尙含春萬
馬寒嘶靜千山曉望新漁簑何處所心逐大江濱

巡邊偶吟

一出頻看隴月圓朔雲回首隔晴川鄉心已落征鴻後

行色還當小雪前二十年來三建節

兩總制一提督

六千里外

五籌邊

初受命經畧繼為巡撫并總制提督

亦知保障為長策全陝蒼生

望息肩

夢陽曰唐調唐鵬曰周雅

鎮戎道中

躑躅邊城路行行西更西曉寒風掠面日暖雪成泥策

馬頻經險看山漫入題平沙望不極客思轉淒迷

夢陽曰二

句佳甚對之皆未稱

雪中用蘇長公韻四首

此詩昔年所得失其稿默憶其半而足成之

未論見鷺與分雅聊為星堂誦雪車坐訝山川非色界

望疑金石有狂花

金石生花謂之狂花

東風幻作梅千樹明月粧

成玉萬家莫向坡翁爭險韻翁才元自勝全又

霰集初驚六出纖旋看如席漸成嚴呈祥自可占來麥
伴色何勞較絮鹽江上孤舟誰把釣梅邊處士獨巡簷
舊時同調今安在聊復微吟掃兔尖

色迷林莽失歸鴉凍合川梁利走車歲事三冬初見白
天機六出巧成花清尊劇飲便豪客寸鐵爭雄憶作家
破履先生莫愁絕有人鐵甲擁矛叉

乾坤一色失鴻纖灑氣生寒晚更嚴照室總成雲母障
聚庭或作虎形鹽影隨鸞舞潛窺沼意學梅粧巧墮簷

桑野幾成行樂地愁容無復上眉尖

夢陽曰四首皆穩帖

巡撫王公再用酸字韻見奇寧夏道中疊韻荅之

邊城風雪乍生寒不爲馳驅減合歡歷盡征途無險易
從教世味有鹹酸旃裘曉撤穹廬遁鐵甲宵憐衽席單

萬里一身方獨往詩成須借賞音觀

夢陽曰亞於前和

破虜謠

有序

嘉靖四年八月十八日大虜在莊浪以數百騎
浮渡黃河入靖虜地方河外賊聯劄立意在
探我道路窺我虛實將與套賊合謀入寇靖虜
將官出兵禦之斬其先鋒一人報至固原督府

發兵追勦賊見兵至伏山谷間兩日夜人馬饑乏乃鼓譟而出我兵追之不敢逆戰經寧夏界上虜居人丁畜由鹽池石溝中空以出將遁歸套中督府先是已布置諸軍於各路按伏蓋防套賊入境不虞寇自內出檄寧夏諸軍合兵追勦賊迎戰數十合多所斬獲賊旣不得逞乃委其所掠并所用馬器以遁至邊牆邊兵遏之不得出斬首數級賊無計率其輕騎復奔腹裏將由舊路以渡我兵追及迎戰敗走又斬首數級驅至河爭浮渡河漲胥陷沒焉尙有六騎達西

岸去賊僵屍澗谷墮崖塹以死者多馬匹死傷
枕籍道路諸軍旣罷散猶有十騎奔至邊牆棄
其馬匹械器緣牆而出蓋自是花馬池定邊營
牆外數百里無復賊蹤矣諸將恐其報復未敢
掣兵然此田中之禽占利搏執非貪功好殺者
比當无咎乃采邊人之語爲破虜謠凡十章

天驕底事太猖狂夜渡黃河犯我疆一自轅門發兵後
犬羊何處可潛藏

將軍行擁萬貔貅腰間寶劍氣橫秋不獨虜兒驚破膽
邊頭豺虎也含愁

大呼陷陣殺聲雄不見羣兒在眼中
砲火雷飛箭星落
回頭一霎虜塵空

沙場鏖戰月昏黃
夜色慘淡星無光明
早轅門報功次
將軍親驗血衣裳

追虜墮河河水渾
飽供河底蛟龍吞
止餘六騎生歸岸
報向穹廬合喪魂

沙間虜騎骨成堆
牆外兒郎為乞哀
只道天兵惟薄伐

如何匹馬不教回

花馬池邊牆外虜人數十騎
答話云不來搶虜乞將酋首數十人在內者

放出等語邊人以斬殺
盡絕應之皆哭而去

千里沙場一掌平
草間殘雪尚流星
莫言斬首無多級

帝德於今本好生

將軍威武不可當
千騎萬騎皆騰驤
會須踏破天山缺
淨洗腥羶復故疆

白旆央央西出關
三千鐵騎盡歡顏
大將端居若無事
但聞人唱凱歌還

臥聽三軍飽欲歌
亦知地利在人和
怪來精采非前日

芻粟陳陳比舊多
夢陽曰既謂之謠不當以格調言矣唐鵬曰格調亦自不俚

巡邊偶吟四首

出門風雪莽愁人行
至窮邊暖似春應是
六陰消欲盡
一陽地底轉鴻鈞

老將臨戎古有之周家方叔唐子儀不聞七十章逢叟
來總熊羆百萬師

年年此地遭狂虜今日巡行是坦途極目龍沙千百里
竝無一騎踏平蕪

韓公遺跡不須問范老經營說到今今代輿圖非弱宋

良工獨苦是誰心

夢陽曰此首是杜格

塞上曲十首

萬里晴空宿靄收弓刀千隊擁貔貅曠曠曉日旌旗暖
獵獵西風鼓角秋

鐵馬金戈再入秦邊頭老稚盡欣欣誰知今日登壇將

還是當年仗鉞人

漢代封疆今虜巢轉輸征調使民勞犁庭掃穴非吾志
上策無如保障高

張公受降不可尋東勝一棄到於今遂使豺狼臥門闥
辜負山長河水深

大河以南地方干黃沙白草遠連天元是職方輸貢地
望中沃壤盡良田

黃河西來入城流溝塍曲曲環平疇地利儘多生意少
似聞財力盡誅求

指夏城

連年鐵甲戍窮邊霜裏棲身草上眠爲王戍邊良不惡

忍凍妻兒還可憐

漠漠深山連大沙犬狼長此伏機牙亦知田禽利搏執
不以遠裔勤中華

花馬池連興武營東有清水西橫城上得邊牆望環固
千里沙場如砥平

玉門金壘勢崔嵬百二秦關亦壯哉天爲華夷限疆域
河湟一水故西來

夢陽曰十首俱杜
格末二首更高

邠州郵亭壁間有詩一首不知何人作其詩曰太
宰西征秉將權三秦豪傑滿軍前行筵頤指金貂
客盡是當年舊執鞭或以告予戲和一首

闕外三持上將權五旬之後六旬前七旬之外重來此
潦倒空先祖逃鞭

花馬池官廳壁間有海山王公詩次韻一首

萬籟沈沈乍有無中天寒月半輪孤戍邊甲士和霜臥
出塞將軍藉草鋪白骨不銷千載恨金城誰獻萬全圖
旃裘遠遁烽烟息不信茲行是畏途

夢陽曰平
正英雄

任多史象虞閱儲固原以十二月一日將之慶陽
予畱之不可是日大雪阻不能發戲柬一首

臥聽寒聲落瓦溝起看庭下雪成邱亦知柱史停驂興
不爲人畱爲雪畱

夢陽曰足
爲談柄

雪中偶作

至前風日暖如春至後驚看雪意新
白滿田園占歲稔凍迷川谷淨
邊塵牆頭鐵甲光生色江上梅花
冷笑人無限歸心驅未得深杯呼
酌兩三巡

夢陽曰
纖細

固原與王昭大話間賦此因錄贈別

子當正德年危言犯雷霆時非諫議官而以諫得名君
恩大於天小謫不出京今皇御寰宇賢俊紛彙征舊物
已光復豸冠侍明廷手疏扣天闈甘作仗馬鳴豈不念
迂戇安能負平生驅馬出郭門遙遙戒官程蜀道固險
巖子心如砥平忠信隨所遇風波安足驚昔視關中學

抗顏謬橫經門牆子桃李藥籠子參苓悠悠三十載塵
鞅稀合併冰霜厲長途風沙暗邊城剛爲信宿畱忽作
萬里行有懷不得盡欲別難爲情子行善自愛養晦還
居貞我病行且歸箴言蒞心盟

夢陽曰鋪敘流動

寄藍豸史玉甫時在甘肅盤糧

獨騎驄馬向窮邊踏破沙場路幾千關塞早傳春有脚
山川眞見玉生烟殊方職貢通天竺聖代提封盡酒泉
到處觀風有章疏皂囊頻徹冕旒前

固原重建鐘鼓樓當城之中央俯視四境予爲
題之曰鎮西賦得三律然未足以盡樓之勝也

西閣風高鼓角雄南來形勝倚崆峒青圍睥睨諸山繞
綠引潺湲一水通擊壤有歌農事足折衝多暇虜塵空
登樓不盡籌邊意渺渺龍沙一望中

設險真成虎豹關層樓百尺枕高寒重城列戍通三鎮
萬堞緣雲俯六盤絃誦早聞周禮樂羌戎今著漢衣冠
分符授鉞知多少誰有勲名後代看

千里關河入望微四山烟樹翠成圍蒹葭淺水孤鴻盡
首藉秋風萬馬肥聖主不教勤遠畧書生敢謂識戎機
狂兒已撤穹廬遁體國初心幸不違

夢陽曰三篇皆大
作恐樓不如詩

發固原諭軍士

奉詔發古原朔風捲征衣山川愴離色冰霜厲餘威軍
士遮我道吞聲仍涕泗問公胡爲來問公何遽歸未來
我士瘠旣至我馬肥倉皇忽來去喜極翻成悲公初受
明命計將殄戎夷喜茲數月間戎馬不敢馳長城未就
緒套虜猶潛窺邇聞西海戎伏莽藏禍機公不念邊氓
翩然謁帝畿翻恐一簣功終爲九仞虧予方處非據聞
言增惕而茲事本天意人謀安所施平生體國心內顧
已多違不言吾亦解慚負明主知恩綸下霄漢待我以
黃扉臣心故未棄力不能奮飛肯以垂盡年冒昧貽評
譏有疏扣天關歸餐故山薇世事耳不聞安能較是非

茲聞新大帥銜命來督師作爾戰士氣恤爾寒與饑爾
往各自樹奚用懷我為

過王母宮

廣成遺跡此崆峒東去仍過阿母宮元鶴有靈還石竇
碧桃無語自春風誰能學道超塵外轉覺談仙是夢中
十度往迴纔一上歸驂今日又匆匆

夢陽曰唐
調潘亮

涇州察院壁間有詩不知何人作次韻一首

其詩
曰烽

火前年萬戶烟犁鋤今日又歸田防
胡空築長戎窟不似新來大將賢

塞垣無事絕狼烟落日牛羊下野田老我經營惟內治
邊功端合讓來賢

永壽監軍莊郵亭壁間有詩不知何人作次韻一

首其詩後四句云金符玉節催征騎赤日炎天渡
大江塞上風清連瀚海單于驚見舊旌幢前四
句忘之矣

世情翻覆苦難降悔却輕身下石淙絕塞烟塵車轍半

畏途風雨鬢毛雙荆岐北繞遙連華河渭東流直到江

尺寸未成歸去早空勞鐵甲引朱幢

夢陽曰唐調句好
但河不通江耳唐

鵬曰何
必方輿

除夜有述

忽忽流光驚歲暮天涯蹤跡尙茫然鴻鈞暗逐三陽轉
寅斗先從半月旋老去形容非舊日坐深燈火又新年

故鄉骨肉成寥闊空憶屠蘇到我前

夢陽曰
唐調

壽近山劉司徒七十

大雅今誰是長安早識君曾襟黃叔度心事范希文鋒
穎當場露絃歌宰邑聞度支書上考渤海著奇勳峻擢
司徒重殷憂聖主分震撞身屹屹調護意勤勤夕聽雷
風變朝違鴛鷺羣一塵都不染萬事總辭紛家近南山
麓舟橫渭水濱持竿時釣月曳杖或穿雲心遠禽魚狎
情融草木忻賦詩渾漫興飲酒但微醺七十今方慶期
頤未足云綺筵歌雜遯寶鼎氣氤氳堂上椿生色堦前
桂吐芬高風朝士仰厚德里人薰許與稱知己睽違限

俗夢欲邀長日坐相與究皇墳

溫泉懷古

華清浴罷已斜陽胡孽終成禍有唐人世幾迴驚代謝
泉聲元不管興亡霓裳舞絕川原靜繡嶺雲深草樹荒
過客登臨歸去晚月華山色共蒼涼

浴泉二絕句

平生巾屨本無塵我有盤銘不離身道上黃塵千萬斛
一湯浴得幾時新

雲竇淙淙空復深開元蒙恥到於今爭似箕山洗耳水

能洗世人名利心

唐鵬曰濂洛風雅自別

華山雜詠

松蘿爲徑石爲關，歷盡崎嶇見此山。
烟火稀微青嶂裏，笙歌縹渺白雲間。
誰騎野鹿尋真隱，自濯清泉醒醉顏。
目斷長空飛鳥盡，遠遊何事不知還。

右第一關

先生遺跡此山多，蛻骨猶畱峭壁阿。
世上紛紛皆物化，此關參透更誰何。

世路艱虞已慣經，晚辭塵跡閉巖扃。
于今正際唐虞世，怪底先生睡不醒。

右希夷硤

老去尋幽興未慳，每逢巖壑便躋攀。
谷雲黯黯低垂樹，澗水潺潺曲抱灣。
小徑斜穿蘿葛密，殘碑半蝕蘚苔斑。

平生不信難行路夷險都歸一笑間

右青柯坪。唐鵬日莊列之意以唐

調發之

謁楊太尉墓二首

公心自可質明神王密何曾是故人慎勿令人窺夜戶
流言傳播恐成真

關西人仰薦儒宗厚德宜膺四世封莫道經過頻下馬
家聲我亦託宏農

東繡史希宋居近華山因以華巖自號長洲文徵
明爲作華巖圖時希宋已棄官不出將於是老焉
予爲賦之

巖巖蒼翠倚雲霄下有幽人正氣豪自擬逃名甘穩臥
非關索價浪爲高羣峰並峙雄三極一柱孤撐奠六鼇
老去迷途方夢醒眼看聲利等秋毫

三出關用舊韻

四十年來數往還君臣大義苦相關懷鄉好似夢中夢
報國敢辭山上山謾向龍門尋砥柱且斟清渭濯塵顏
病來已謝鷓鴣伴野鶴鳴鴻自可攀

中牟公館與獻吉提學話舊用前所寄詩韻二首
遠從西嶠趣南裝忽得君詩抵夜光門外尙懸纜虎節
夢中先著芟荷裳宦情久與禪機寂世味惟應蔗境長

三十年前曾讓子知言竊比宋歐陽

斯文衣鉢自吾人出處平生各任眞
聖主有恩容病叟
太平無地不閑身
百年風雨清明節
滿目鶯花爛熳辰
便合同舟過江左
烟霞深處醉餘春

聞朱御史士光擢守淮安賦一章爲贈

聞君得代還朝去
忽報專城拜命新
畿內故爲根本地
臺端可少老成人
應將烏府風霜筆
散作黃堂雨露春
莫道淮陽能久滯
五雲回首是通津

渡江

去歲偶因西事起
馳驅惟恃寸心丹
恩綸却訝徵還早

老病眞愁赴召難
萬里雲霄飛鳥倦
一江風雨釣舟寒
太平勲業諸公在
獨臥山林夢亦安

唐鵬曰忠蓋忠蓋非苟爲去就容











